



## PEMAKLUMAN

---

### 10 TAHUN MBOT: KAJIAN IMPAK PENGIKTIRAFAN PROFESIONAL

---

Bersempena dengan sambutan ulang tahun ke-10 pada 2025, Lembaga Teknologis Malaysia (MBOT) dengan kerjasama Khazanah Research Institute (KRI) akan menjalankan kajian impak berkaitan pengiktirafan profesional di Malaysia. Kajian ini bertujuan untuk menilai peranan pengiktirafan profesional serta kesannya terhadap sosio-ekonomi negara, termasuk aspek pembangunan tenaga kerja, pematuhan piawaian industri, dan sumbangan pihak berkepentingan.

Fokus utama kajian ini adalah menilai impak penubuhan MBOT dalam memperkasakan tenaga kerja sektor teknologi dan teknikal di Malaysia. Sejak penubuhannya, MBOT memainkan peranan penting dalam memastikan tenaga kerja memenuhi industri melalui peningkatan kemahiran dan kualiti pekerja.

Di samping itu, kajian ini akan menilai perubahan landskap tenaga kerja sebelum dan selepas penubuhan MBOT. Penekanan akan diberikan kepada keberkesanan sistem pengiktirafan dan akreditasi MBOT dalam meningkatkan piawaian profesional dan kemahiran pekerja, di samping mengenal pasti cabaran yang dihadapi, terutamanya dari segi penerimaan oleh industri.

Kajian ini turut menggariskan pencapaian utama MBOT sepanjang penubuhannya, serta mencadangkan penambahbaikan strategik untuk memastikan sistem pengiktirafan profesional kekal relevan dalam menghadapi cabaran teknologi dan memenuhi keperluan industri masa depan. Hasil kajian ini akan dibentangkan semasa ENTICE 2025 yang juga Sambutan Ulang Tahun ke-10 MBOT.

Adalah diharapkan agar kajian ini dapat memberi analisis yang komprehensif serta cadangan yang praktikal untuk memperkukuh sistem pengiktirafan profesional di Malaysia, seterusnya memacu daya saing negara di peringkat global.

-TAMAT-

---

Lembaga Teknologis Malaysia (MBOT) ialah sebuah badan profesional yang ditubuhkan di bawah Akta Teknologis dan Juruteknik 2015 [Akta 768] untuk memberikan pengiktirafan profesional kepada Teknologis dan Juruteknik dalam bidang teknologi dan teknikal.

Untuk maklumat lanjut, sila hubungi:

Lembaga Teknologis Malaysia (MBOT)  
t.nabila@mbot.org.my  
+603-8800 6268/+6017-798 2604